

UGOVOR O NABAVCI I POSTAVLJANJU RAMPI ZA PARKING SA IZVOĐENJEM PRIPREMNIH RADOVA

Na osnovu Odluke Upravnog odbora Univerziteta u Sarajevu broj: 02-329/18 od 27.12.2018. godine, Odluke o izboru prihvatanja cijene kao uslov za konačni sporazum direktni sporazum broj: 02-2-1-116-25/18 od 28.01.2019. godine, te nakon provedenog postupka za javnu nabavku postavljanja rampi za parking sa izvođenjem pripremnih radova, zaključuje se Ugovor između:

1. Stomatološki fakultet sa klinikama u Sarajevu, adresa Bolnička 4a, kojeg zastupa Prof.dr.sc. Muhamed Ajanović, Dekan (u daljem tekstu Naručilac)

i

2. Prodoor d.o.o. Sarajevo, Derviš Fevzi Mostarca 1, kojeg zastupa direktor Admir Šahović (u daljem tekstu Izvođač)

I PREDMET UGOVORA

Član 1.

Naručilac naručuje, a Izvođač preuzima obavezu da za račun Naručioca, prema uslovima i odredbama ovog Ugovora i na osnovu prihvaćene ponude Izvođača broj: 02-2-1-116-18/18 od 27.11.2018. godine i odgovora na upit broj: 02-2-1-116-22/18 od 03.12.2018. godine izvede sve predmetne pripreme radove te isporuči i postavi rampe za parking.

Član 2.

Izvođač se obavezuje da po dostavljenoj narudžbenici Naručioca izvede pripreme radove za postavljanje rampi, a sve u skladu sa članom 1. ovog Ugovora.

II KVALITET I OBIM RADOVA

Član 3.

Izvođač se obavezuje da sve ugovorene radove izvede prema Pozivu za dostavu ponuda za nabavku i postavljanje rampi za parking, prihvaćenoj ponudi Izvođača radova broj: 02-2-1-116-18/18 od 27.11.2018. godine, odgovorom na upit broj: 02-2-1-116-22/18 od 03.12.2018. godine kao i važećim propisima, standardima i normativima za ovu vrstu radova.

III KONTROLA

Član 4.

Nadzor nad izvođenjem pripremnih radova i isporuke i postavljanja rampi za parking će vršiti ovlašteno lice Naručioca. Ovlašteno lice Naručioca će biti imenovan posebnom Odlukom Naručioca.

IV GARANCIJA O KVALITETU

Član 5.

Izvođač daje garanciju na kvalitet izvedenih radova u trajanju od 1 (jedne) godine od dana izvršene primopredaje.

Član 6.

U slučaju naknadne pojave nedostataka u kvalitetu izvedenih radova, a u okviru ugovorenog garantnog roka, Izvođač je dužan da u roku od 5 (pet) dana po nazivu Naručioca pristupi njihovom otklanjanju i iste otkloni u razumnom roku i o svom trošku.

U slučaju da se Izvođač po pozivu Naručioca ne odazove u roku od 10 (deset) dana, Naručioc stiče pravo da za otklanjanje nedostataka i na račun Izvođača angažuje drugog Izvođača.

V CIJENA RADOVA

Član 7.

Ukupna vrijednost radova po ovom ugovoru iznosi:

- Cijena bez PDV-a= 21.750,00 KM;
- Porez na dodanu vrijednost (PDV 17%)= 3.697,50 KM;
- UKUPNA VRIJEDNOST/CIJENA sa PDV-om= 25.447,50 KM (slovima: dvadesetpethiljadačetiristotinečetredesetisedam i 50/100 KM).

Cijene su fiksne i ne mogu se mijenjati ni pod kojim uslovima.

Član 8.

Izvođač nema pravo na promjenu ugovorenih jediničnih cijena radova, po bilo kojem osnovu, izuzev u slučaju nastupa više sile u skladu sa odredbama ZOO, i u tom slučaju jedinične cijene utvrđene usaglašenom ponudom Izvođača radova, smatraju se fiksnim i nepromjenjivim.

VI NAČIN I USLOVI PLAĆANJA

Član 9.

Naručilac se obavezuje da predinetrne radove plati na žito račun Izvođača nakon izvršenih radova u roku od 7 (sedam) dana po izvršenoj primopredaji radova, a na osnovu dostavljene fakture.

VII ROK I USLOVI IZVOĐENJA RADOVA

Član 10.

Rok za izvođenje svih ugovorenih radova je 6 do 8 sedmica najduže, računajući od dana dostavljene narudžbenice od strane Naručioca.

VIII OBAVEZE NARUČIOCA

Nakon uvođenja Izvođača u posao, a čime se smatra obaveza Naručioca se ogleda u sljedećem:

- da Izvođaču radova preda predmetni prostor na izvođenje oslobođen od ljudi
- da Izvođaču radova omogući nesmetan rad

Ugovoreni rok iz Člana 1. ovog Ugovora počinje teći danom dostavljene narudžbenice od strane naručioca.

IX OBAVEZE IZVOĐAČA

Član 11.

Izvođač se obavezuje da:

- Isporuči, postavi i pusti u rad robu iz Poziva za dostavu ponude za nabavku i postavljanje rampi uz izvođenje pripremnih radova i prihvaćene ponude ponuđača broj: 02-2-1-116-18/18i odgovora na upit broj: 02-2-1-116-22/18 od 03.12.2018. godine;
- Izvrši isporuku, postavi i pusti u rad robu na mjesto i u roku utvrđenom ovim ugovorom;
- Riješi eventualne reklamacije Ugovornog organa u rokovima utvrđenim ovim Ugovorom;
- Ispostavi fakturu za isporučenu, postavljenu i puštenu u rad robu;
- Kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla.

Član 12.

Naručilac je dužan da Izvođaču radova, bez naknade omogući korištenje i priključenje na elektroinstalaciju te postojeću instalaciju vodovoda i kanalizacije u objektu.

Član 13.

Izvođač se obavezuje da prije početka realizacije ugovora (najkasnije 7 dana od dana potpisa Ugovora) obezbijedi безусловnu bankarsku garanciju za dobro izvršenje posla-ugovora u iznosu od **10%** vrijednosti ugovora **sa rokom važnosti garancije od 1 godine**, koja će poslužiti za pokrivanje štete i troškova koje ugovorni organ može imati ukoliko izabrani ponudac prekrši ugovor o nabavci od potpisivanja ugovora do njegove krajnje realizacije.

X RASKID UGOVORA I NAKNADA ŠTETE

Član 14.

Ugovorne strane mogu sporazumno raskinuti zaključeni Ugovor, sporazumom o raskidu Ugovora, kojim ugovorene strane utvrđuju međusobna prava, obaveze i odgovornosti.

U slučaju da jedna od ugovornih strana ne izvršava svoje obaveze u cjelosti ili ih izvršava djelimično, i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostrani raskid ugovora i naplatu nastale štete.

Prodavcu će se zaračunati ugovorna kazna u iznosu od 1% za svaki dan zakašnjenja od roka završetka ugovorenih obaveza, a obračunava se na ukupnu vrijednost ugovorenih obaveza, a najviše 10% od vrijednosti ukupnih ugovorenih obaveza.

U svrhu pokrivanja štete i troškova koje Naručilac može imati ukoliko Izvođač prekrši ugovor o nabavci od potpisivanja ugovora do njegove krajnje realizacije, Naručilac može koristiti od strane Izvođača dostavljenu безусловnu bankarsku garanciju za dobro izvršenje ugovora u iznosu od 10% vrijednosti ugovora.

Ovaj Ugovor se može raskinuti i bez naknade štete drugim stranama, ukoliko do raskida dođe zbog okolnosti koje su izvan volje ugovorenih strana.

XI RJEŠAVANJE SPOROVA

Član 15.

Ugovorne strane su saglasne da će eventualne sporove rješavati međusobnim dogovaranjem, a u slučaju da ugovorene strane ne postignu dogovor o spornim pitanjima za rješenje spora nadležan je sud u Sarajevu.

XII OSTALE ODREDBE

Član 16.

Ugovorni organ nema pravo zapošljavati, u svrhu izvršenja ovog ugovora fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju ugovora, odnosno od početka realizacije ugovora.

Član 17.

Ovaj ugovor stupa na snagu danom potpisivanja od strane ovlaštenih predstavnika ugovornih strana.

Član 18.

Ovaj Ugovor se zaključuje na određeno vrijeme u trajanju od 1 (jedne) godine od dana zaključivanja.

Član 19.

Ovaj ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka.

IZVOĐAČ
PRODOOR D.O.O. Sarajevo


Direktor, Admir Šahović

NARUČILAC

STOMATOLOŠKI FAKULTET
SA KLINIKAMA U SARAJEVU


Dekan, Prof. dr. Sci Muhamed Ajanović

Broj: PSP-216/18
Sarajevo, 11.03 2019.



Broj: 02-2-1-116-26/18
Sarajevo, 06.03. 2019.

